

2150.



Early European Books, Copyright © 2010 ProQuest LLC.  
Images reproduced by courtesy of the Royal Library, Copenhagen.  
Hielmst. 2150 4° (LN 1631)



Early European Books, Copyright © 2010 ProQuest LLC.  
Images reproduced by courtesy of the Royal Library, Copenhagen.  
Hielmst. 2150 4° (LN 1631)





Early European Books, Copyright © 2010 ProQuest LLC.  
Images reproduced by courtesy of the Royal Library, Copenhagen.  
Hielmst. 2150 4° (LN 1631)



Early European Books, Copyright © 2010 ProQuest LLC.  
Images reproduced by courtesy of the Royal Library, Copenhagen.  
Hielmst. 2150 4° (LN 1631)





Early European Books, Copyright © 2010 ProQuest LLC.  
Images reproduced by courtesy of the Royal Library, Copenhagen.  
Hielmst. 2150 4° (LN 1631)



Early European Books, Copyright © 2010 ProQuest LLC.  
Images reproduced by courtesy of the Royal Library, Copenhagen.  
Hielmst. 2150 4° (LN 1631)



12 Apr

DA BOX

750

Nº 2150.



H. Tindler fecit



= L. N. 1631

M

E  
QVA CA  
CON RE  
D. CHRI

Z

CYLtor  
FVLit

HA



I O L A S  
**E C L O G A**  
 QVA CANITVR GENETHLIA.  
 CON RECENS NATO ILLVSTRI PRINCIPI,  
 D. CHRISTIANO, Potentissimi Danorum Regis,  
 FRIDERICI secundi &c. Filio  
 Primogenito.

*Cui brevis etiam Historia connubij  
 & coronationis Regiae obiter,  
 inserta est:*

Autore

**ZACHARIA à VVIDING**  
 Holsato.

**CHRONODISTICHON**

Natalitium. 1577.

*CVLtor Is Vt ChrIstI tIbI reX VItVtIs aVI sIC  
 FVLtor erIt, CVIV's noMen Vt hVIV's habet.*



**HAFNIÆ, IMPRESSIT**  
 Laurentius Benedictj.

**A N N O**

**1577.**

*Laurentius Crasig*  
 1639









## IN ICONA FRIDERICI II,

Danorum Regis Potentiſſ:

Zacharia Widingj

I A M B I C K M

**H**Æc sunt FRIDRICI Regis ora DANICÆ,  
 Qui nominis Rex illius SECUNDUS est:  
 ECHRISTIANO Rege natus inclyto  
 Huius fuit Rex nominis qui Tertius:  
 Qui plenus ò tui Deus Spiraminis  
 Natum tuum dilexit, & Verbum tuum, &  
 Verbi ministros vnicè, Musis erat  
 Patronus, & defensor, altor, arbiter:  
 Et Patriæ charæ Pater charissimus,  
 Florens corona cæterorum Principum:  
 Qui nunc Dei Patris, Deiq; Filij,  
 Deiq; Spiritus videns præsentiam,  
 Versatur inter Angelos latissimus:  
 Hunc Filium FRIDrichium Regem pium  
 Loco sui, suum ter illustrissimum  
 Regnis relinquendo suis, per omnia  
 Patris boni, regi pio, virtutibus,  
 Vultuq; moribus pijs simillimum:  
 Qui patris instar: numine excitus: fuit  
 Ut filius iusti patris pijsimus,  
 Successor & Regis pijsissimus  
 Natum DEI colens piæ Evangelicæ  
 Doctrinæ adhæret integræ integerrimus:  
 Et gratiæ sigilla sacratissima  
 Vult pura nec polluta tradi singulis  
 Suisq; Regnis, & suis ducatibus  
 Qui Musici protector agminis,  
 Et odor est iniuriæ, solatium  
 Orbis maritis, patribusq; regia  
 In supplices clementiaq; in noxios  
 (Atrocioris criminis ni sint rei)  
 Seuera iura mititate temperat.  
 Hinc exteris, & incolis ab omnibus  
 Amatur vt patriæ Pater dulcissimus,  
 Decusq; Regni, lux piorum Principum:  
 Cui salutem det DEVS salutifer  
 Vt Rege Regnum, Rexq; Regno floreat  
 Vtrinq; vtroq; perpetim superstite.

A 2



IN VCOMA FRIDERICI II.



## IN EIVSDEM ILLVSTRIS.

simi Regis, Regalia schemata.

**H**Æc sunt FRIDRICI DANORUM Insignia REGIS  
 Qualibet ornatur Stemmata terra suo.  
**A** Dania Dania cœruleos ternos sibi aquosa LEones  
**B** Vendicat aurato, in corda nouena, solo:  
**N**orugis Sicq. bipenniferum NORugia lata LEonem  
**E**st Clypei roseo pingere sueta solo:  
**S**uecia. Aurea cœruleo sed enim Diademata scuto  
**D** Triquetra S VEDIACI splendida signa soli.  
**V**andalia Corda nouem LEO transilicns animosus amana,  
**E** VANDALICA terræ signa vetusta refert:  
**G**otthia. Corporis alati Philyræ de voce DRACONEM  
**S**anguineo in Clypeo vult habitare GOTHUS.  
**S**lesuig Cœruleos geminos Clypeo flauente LEones, Ego quod efficitur: bla feld  
**I**nclyta SLESUIGACUS signa DVcatus habet.  
**H**inc vrens niueo depicta VRTICA colore, et sine nullo vdi rfd feld.  
**P**urpureoq. refert HOLSTICA signa solo.  
**S**tormar Candide fulgenti Diademate CYGNE triumphans, et sine puaan uz it gyl  
**S**TORMARICA gentis signa venusta notas. Salsbaan vdi rfd feld.  
**D**ithmaria Palmaq. victoris victæ Cataphractus habetur et sine fest uz et riper  
**E**nsifer et terræ DITHMARIENSIS EQVES. vdi rfd feld.  
**O**ldenborg Candida CRUX olim docet OLDENBURGIA verum et sine kaaro.  
**L** In Cruce suspensum te coluisse DEUM.  
**D**elmen Alternoq. TRABUM pictarum Insigne colore, rfd bieleken vdi gyl feld.  
**S**temma refert Comititis DELMENISHORSTE tuj.  
 Glagenderpig e in latina orane et]





IN EFFIGIEM SERENISSIMÆ  
Danorum Reginae, SOPHIÆ Secunda.

SAPPHICON  
Zacharia VVidingj.

ILLa DANorum SOPhiæ SECundæ  
Forma REGinæ : Patre Meglapyrgo  
Ortæ VDalrico, Holsteniaq; matre  
ELIsabetha.

Quæ pio Regi socia est Secundo  
Iuncta DANorum FRIderico, ab ipso  
Autor est vitæ socialis, & qui

Fœderis auspex.  
Quæ suo binas Domino decoras  
Numinis, Nymphas peperit, fauore,  
Quas DEI dextræ sine fine saluas

Protegat vmbra.  
Dania sic nunc generosa scitum  
Regulum electum peperit, futurum  
Regj hæredem diadematis, post

Fata Parentis.  
Quid loquar mores SOPhiæ pudicos  
Pectoris vera pietate natos :  
Est Charis, mitis, proba, gratiosa,

Castâ, pudica.  
Virginis Natum MARIæ colendo,  
Eius in puro sacra iussa corde  
Condit, huic vni placuisse tota

Mente laborat.  
Sic suum Regem Dominum colitq;  
DANici Regni sacra sors salutis:  
Orphanis, mœstis, Viduis, egenis,

Mater & altrix.  
Da DEVS longum SOPhia ista Regno  
DANico, Regi pariter marito  
Viuat : vt cunctis ea sit saluti,

Christo & honori.



IO LAS  
E G L O G A

QVA CANITVR GENETHLIACON RECENS

nato Illustri Principi D. CHRISTIANO, potentissimi

Danorum Regis FRIDERICI SECVNDI,

Filiola primogenito:

Cui brevis etiam Historia Connubij, & corona-  
tionis Regiae obiter inserta est.

Z. VV.

H.



YLuius & Daphnis, duo conuenere periti  
Pastores, parili calamo cantare sueti:  
E quibus exiguo, grato sed pectore, versu  
Laudes, res gestas, Mauortia Syluius acta  
Heroum, tenui modulatus carmine cannae:

Alter at à patria profugus, sine munere Daphnis  
Tristis, inops, exors, tenuis, miser, exul, anhelus,  
Corporibus ducens malicentis tenuia multum  
Armenta, in Campis errando murmure solus  
Ob generosorum certamina lenta leonum  
Exilij tristem deflebat carmine sortem:

Conueniunt tandem: grauibz sine carmina curis  
Montis in arborei recinentem vertice leta  
Repperit à syluis & habentem nomina saxis:

Incipit: ab patulae tiliae sub tegmine sylui,  
Hic recubans letum modularis arundine carmen?  
Cum patriam profugi fortunae motibus acti

D.

Suedi-



Suediaci tanto spaciōsi tempore belli  
Liquimus (ah miseri) peregrinis pascua pratis  
Quærentes gregibus, sine lege, sine ordine, nostris.

S. Daphni file, gemitus, ut inanes, linque: remitte  
Singultus imo cordis tibi fonte profectos:  
Propediem dabitur patrios impune penates  
Atq; lares tandem tuto repetisse relictos.  
Martia Bellonæ siquidem trucidis arma facesunt,  
Atq; Salus pariter niueis comes aduolat alis  
Cincta caput ramis viridis Pax inclyta Oliuæ:  
Omnia nam placidum modo habent certamina finem.

D. Læta refers. Vtinam quoq; sint ea singula Sylui  
Vera, mihi quæ tu misero modo dicere es orsus.

S. Daphni fide firma sunt hæc dignissima, narro  
Quæ tibi, quæ constant mihi perspectissima facta.  
Pax etenim pacto sancita est fœdere pridem,  
Inter et hæc septem spectant quæ regna triones,  
Atq; duos eadem Reges qui regna gubernant.  
Vnde inijt thalami non dissoluenda pudici  
Fœdera, regali prognata stemmate Nympha  
Inclytus ascita sibi nunc formosus IOLas.

D. Vnde tibi rerum tam copia læta nouarum?  
Ipse ego cum tristi lachrimosam pectore terram  
Linquebam patriam, resonabant omnia planctu:  
Tristia funestis feruebant vndiq; signis  
Bella: nisi & bellum fuerat nihil omnium in ore:

Bello



2150  
68  
Bello accingebant tunc se iuuenesq; viriq;  
Tuncq; vicem patriæ, nuptæ innuptæq; gemebant,  
Præscia tunc coniunx sortem miserata mariti,  
Seq; viro, & caro patre ceu caritura tenella  
Pignora deflebant: heu tristia & inuida fata.

Crede mihi, recito nisi non comperta, fideq;  
Digna, vel his oculis vidi, quæq; auribus hausi  
Nuper, vbi patriam, visi tibi Daphni relictam  
(Namq; tuam terram me perlustrare paternam  
Iuuit, vt in Danis Pastorum carmina caulis  
Auribus ac auido cognoscere pectore possem)  
Omnia tunc populi geminato compita plausu  
Vndiq; pastorum medijs in montibus hymni  
Attentis pecorum concentus auribus apta  
Harmonia, tunc sic resonabant, omnia tuta,  
Omnia tuta, modo Deus & Pax inclyta fecit  
Bella silent: Hymen & bene olentibus obsitus herbis  
Intrat in excelsis vbi iam regalis lolæ  
Culminibus, paci placidæ Sapientia cæsti  
Iuncta nitet nodis ullo resolubilis ausu.

Ominibus Regi quam se dant obuia lætis  
Omnia, sint Regi precor hæc Regnoq; saluti.

Ominibus moueor tantis, tam Daphni beatis  
Plurima de Regis bona vaticinariæ orto  
Filiolo: siquidem tam læta inceptio, tamq;  
Augurijs nupsit Paci Sapientia faustis:

B

Omnia

S.

D.

S.



Omina vel solis mihi plurima spondeo læta  
Nominibus, Pacem cum sic Sapientia fulcit.

D. Eia tibi nostro placeat vel nomine Sylui  
Historiæ nobis Hymenæi dulcis IOLæ,  
Carminè rem modico gestam contexere totam:  
Singula cum constent tibi non incognita facta.

S. Hoc mecum lato poteris considerare saxo:  
Dum modò depastas recubans grex ruminat herbas;  
Et tibi, sed breuiter, narrabo cognita nobis  
Fœdere de nostri venerando Regis IOLæ:  
Cinctaq; sit quali pompa Galathea corona:  
Quaq; recens natus Regis, sit in arce renatus.

D. Assideo, gregibus stratis in gramine, letus  
Auribus arrectis & auens rem discere gestam.

S. Edidit ut domitæ signum Tithomarsie in aruis  
*In signum*  
Nobile virtutis plus quam regalès, Achilli  
*victa*  
Haud dispar, minor aut induto illius IOLas  
Exuias, spolijs etiam ditatus opimis,  
*In signum*  
Antea quàm voluit diademate tempora cingi:  
Sic & Hyperboreis animosi pectoris Heros  
Hectoris exeruit vires generosior oris  
Antea connubij socialia vincula sacri  
Quàm subijt: domito senioreq; Rege Svedo:  
Altero amicitiam, tandem cum Rege petente  
Pace data pacis sub conditionibus æquis.

D. Ominibus Regi quam se victoria lætis  
Offert,



Offert, sint Regi precor hæc Regnoq; salutj.  
 Quam varia Dominus sanctos ratione gubernat,  
 Quamq; suos vicibus ludens excercet in orbe  
 Alternis: quam sunt solido non tempore firmæ  
 Res hominum, lubricæ, stabili neq; fidere fixæ.  
 Quin modo sunt lætæ, paulo post rursus amaræ:  
 Et modo quæ tristes, vice versa, sunt modo lætæ:  
 Temperat alternis Dominus sic omnia rebus  
 Tristia cum lætis, cum miscet dulcia amaris,  
 Rebus in aduersis miseri ne succumbamus,  
 Rursus & in rebus ne pectora laxa secundis  
 Inflemus, memores Domini tristesq; hilaresq;.  
 Verum age Bellona domita, dic gesta Diones  
 In primis Regis memorans & nomina Nymphæ.

Omen inest rebus, vel in ipsis omina fausta  
 Nominibus: Pacis sunt diuitis omnia Regis  
 Nomina, Reginae sapientia nomen obumbrat.

Ominibus Regi & Reginae prospera lætis  
 Nomina, sint Regi precor hæc Nymphæq; saluti.

Est Obotritorum regio de nomine prisco  
 Inclyta Baltiaci prope sed vada cærule ponti  
 Littora Daniacis habet hæc confinia Regnis,  
 Cui modo ceu cæli præsumt quoq; sidera fratres  
 Torua trucis gestant quorum Bouis ora, paterna  
 Stemmata: de summo venit ast Sapiencia natu,  
 Gratia cui nomen diues dat: diuite cornu

B 2

Ipsa,



*Ipsa, Deæ, genitrix satiataq; copia, dulce  
Nomen habet fausto quæ sidere nupsit Iolæ.*

*D. Ominibus Regi quam se dant obuia letis  
Omnia, sint Regi precor hæc Regnoq; saluti.  
Porro velis Sylui tandem depingere pompam,  
Atq; modo quali & quo dicere pacta iugalis  
Fædera F R I Drici et S O Phia sint tempore tedæ.*

*S. Denia retrogradi tæsus vestigia Cancri  
Cynthius igniti lassabat terga Leonis:  
18 die Julij  
A 1572 Nona bis at mensis fuit vt lux orta peremti  
Cæsaris, est à quo Quintilis nomen adeptus,  
Cum modo maturis flauerent frugibus arua.*

*D. Ominibus Regi quam se dant arua beatis  
Pinguia, sint Regi precor hæc Regnoq; saluti.*

*S. Excipitur COCHia Danorum Regis in vrbe  
SAXOnicus retinens AVGusti Cæsaris omen  
Nominis, vt rebus belloq; togæq; peractis  
AVGusto haud dispar, comitatus coniuge princeps  
ANNA, germana Regis, comitante Nepote  
Regis CHRISTIadis qui nomine magnus auito,  
Rebus erit maior, pietateq; maximus Heros.  
Excipitur simulac Charitum de nomine dictus,  
Qui socer & pater est nostri reuerendus Iolæ,  
Coniuge cum generi Satiata dotis Iolæ  
Munere, cum reliquis, numero sine, pompa, Dynastis.*

*D. Ominibus Regi quam se dant obuia letis*

*Singula*



1150  
Singula, sint Regi precor hæc Regnoq̃ saluti. 70

Haud tamen hoc ipso Regis reor agmine Nympha  
Adfuit, ut pridem deducta in Regis lolæ  
Arce Copenhagia quæ nostri regia Regis.

Daphni audes quid si fuit hic deponere mecum: S.  
Et nisi tunc COCHia dulci cum matre profecta  
Nympha Copenhagiam petijt sociata decora?

Hunc an sus niuei tecum sum velleris agnum D.  
Anniculum, morbo & macula deponere cassum.

Audeo lascium hunc contra depromere matris S.  
Vberibus raptum, licet atri velleris hædum:

Perge sed (hanc litem dirimet post ipse palemon) D.  
Pingere, capisti veluti, mihi cætera Sylui.

Pompa Copenhagiam Cochia qua luce profecta S.

Carpfit iter gradiens lento pede regia, forte

Ipse, sed innumeris alijs comitatus ab vrbe,

Ante, foris, portam calidis spaciabar arenis

Observans reditum Regis Procerumq̃ caputum:

Ecce via Cochia recta quæ ducit ad urbem

Turma equitum primo intuitu de monte videnda

Apparet. fit mox hominum concursus ubiq̃,

Rex venit, erecta quisquis modo fronte profatur,

Accelerant longo pedetentim deniq̃ tractu

Quolibet in membro venientes undiq̃ terni

Ensiferi primo famuli nempe agmine, visi

Gestantes geminas in ephippia chiriboardas:

B 3

Postea



Postea nobilibus locus est, hinc deniq; Regis  
Atq; Ducum Proceres, Regni subit atq; Senatus:  
Vicena octo equitum sic membra ducenta fuere.  
Pone fuit dictis Ducibus sociatus Iolas,  
AVGusto imperij dextram Electore tegente,  
Et socero Regis medij claudente sinistram.  
Hinc adolescentes ter terni ceu Ganymedes  
Gestabant nitida galeati fronte phalanges:

D. Ominibus Regi quam se dant obuia latis  
Omnia, sint Regi precor hæc Regnoq; secunda.

S. Vt prope sed portam procerum fuit agmen ad vr.  
Ecce Boardarum tonitru cum fulgure multo. (bis  
E vallo quarum fuerant vicenaq; quina  
Tormenta, excipitur regali more, boatu  
Horrisono, terra pedibus sub Daphni tremente.  
Hic sed ego quali referam quantoue sonoro  
Cum fremitu veluti glans rugijt acta per auras?  
Iacta caput paulò supra cum murmure nostrum;  
Penè sono simili silicem cum Daphni retorta  
Funda volans sursum sublimia in æthera mittit:  
Quamq; fuit densus nitrati pulueris aer  
E fumo, & sparsit crebra quem glande petita  
Terra, globus subiit quoq; vbi fretum Amaggerianũ,  
Quanta fui sursum tunc fusa & in æthera aquæ vis:  
Fumus at à vento veluti fuit actus ab ipso  
Rege, quidem Euronotus quem tunc spirabat amœnus,  
Omne



Omine felici, velut à quo cuncta nociva  
Diffugiunt, cedunt ab eo sic cuncta pericla.

Læta refers Sylui simulac horrenda, sed ipsa  
Ominibus quam se Regi dant omnia faustis  
Prospera, sint Regi precor hæc Regnoq. salutis:  
Quid tibi tunc animi fuit in discrimine tanto?

Ipse tremens quamuis & delectabar acerbo  
Hoc tormentorum tonitru, flammæq. micante,  
Attamen astabam Regi (Rex numine tutus)  
Sic fore me Regis securum proximitate  
Rebar, ut assistens Ducibus quos numina servant.  
Sive (quod auertit, cui laus, DEV Somne) periclu  
Extisset Regi, cum Rege occumbere pulchrum  
Esse ratus, metui vitæ mihi nulla pericla.

Ominibus Regi quam se dant tuta secundis  
Omnia sint Regi & precor hæc felicia Regno.

Porro mola æriæ volucris ter quinq. susurro  
Expansis velis, Cereris quoq. munere plenæ,  
Cum nitidi toto comitatus agmine Regem  
Præcipiti excipiunt reducem resonante rotatu.  
Quodue magis mirum, solitum tunc splenduit ultra  
Phæbus, at illius cito sub fulgore, subortus  
Largus erat, tamen haud multum durabilis, imber.

Ominibus Regi quam se dant prospera lætis  
Sintgula, sint Regi precor hæc Regnoq. salutis:  
Omen adest Cereris, Phebi, & Iunonis amicum:

Sit



Sit faustum, felix: hæ res vberima Regi  
Tempora promittunt: Nam Solis, & æris apta  
Temperie fructus tellus producit opimos:  
Cum serimus Cælum nam si Deus addit amœnum,  
Cumq; latet semen, pluuiâ rigat inde serena,  
Alma Ceres domini cellamq; penumq; replebit:

S. Omnibus explosis grauioribus his bombardis  
Quas retuli portæ vallum sublime habuisse,  
Intrauit tandem generoso corpore Iolas  
Splendidus in niueo residens spumante caballo,  
Atq; Duces inter medius qui SAXona sceptrâ,  
Et MEGLapyrgiacas qui dux molitur habenas.  
Pone duces & sunt comitata Gynecia Regem,  
Hæc ubi & intrarunt vrbis modo mœnia dictæ,  
Ecce repentinus strepitus crepitante per vrbis  
Fulgure dein gyrum, volitante vt ab igne boardis  
Editur explosis crebis cum murmure bombis.  
Nauius exonerant valido hinc tormenta boatu:  
Iuncta Tubæ dubios geminant cita tympana tactus:  
Transit & in triujs iterataq; trita tubarum  
Harmonia, inflatis non assimilanda cicutis  
Nos quibus æstatis soles traducere Daphni  
Suenimus, his gregibus cura vigilante dicati:  
Compita densatus populus promiscuus arcet  
Occupat, vt Regem possit quoq; cernere Nympham:  
Nec vidisse semel, satis est, queat vsq; videre

Qui



1150  
Quilibet annixu, cursu, & conamine, sudat: 72  
Excipitur Rex, & comitatus regius inde  
Arce Copenhagia, quam fluctibus undiq; cinctam  
Baltica cœruleis Thetis complectitur vlnis.

Ominibus Regi quam se dant obuia lætis D.  
Gaudia, sint Regi precor hæc Regnoq; saluti.

Postera lux mitem misit præclara IOH Annem S.

Pacifica HOLstenias trutina qui flectit habenas.

Inde pij Regis, pius est germanus & urbem

Ingressus IVNIor, comitante vxore, IOHANnes.

Tertia lux, hæc est Iulij vicena coruscans:

(Qua fera DITHmaria quoq; luce subacta potestas

Ante decem & lapsos octo totaliter annos:

Annus at hoc versu quo pugna nouissima facta est:

Libertas terræ fVlt effera DithMarlana:

Est & in his idem verbis breuioribus annus,

Effera Libertas DithMarlana fVlt.)

Tertia lux post hæc Regi feliciter (inquam)

Illuxit nitidis oriens formosior alis:

Grande fuit recolit quod CHRisti ECClesia festum,

Seclantes triduum quo cœlica fercula, verbo,

Et duo, septeno, bis millia, pane cibauit:

Pōst cophinos septem, totidem de panibus, atq;

Pisciculis paucis, pasti (mirabile) replent.

Ominibus Regi quàm se dant omnia lætis D.

Hæc quoq; sint Regi precor & felicia Regna.

C

Vt sa

Anno 1572  
20 Julij  
Christophorus



S. Vt sacra sed fuerant verbi diuina peracta  
Atrio ab excelsa descendunt ordine Regis,  
Nobilium pariter tandem mixti vndiq; terni  
DANIACI, HOLSTENIJ, MEGlapurgiaci, quoq; MYSTI  
Præcedunt Regem sponsum, quem ducere visus  
Vt medium SAXO dexter, læuusq; IOHANNES  
Regius vt Frater: Legati hinc atq; Barones  
Atria conscendunt, hac, Regis in altera, pompa:  
Inde fere simili præcedunt ordine Nymphæ  
Innumerae, varijs gemmis, auroq; nitentes  
Reginam, modico comitantem has intervallo:

D. Omne iucundo quam se dant obuia Nymphæ  
Singula, sint precor hæc Regi Regnoq; secunda:  
Qualis erat reliquas inter Galathæa puellas?

S. Id numero dicam: mihi non homo sed Dea visa:  
Hancq; Duces parili ducebant nomine bini,  
Dexter erat Regis Socer, huic Princepsq; sinister  
Pacifer, attribuit cui Gratia nomen vtriq;  
Postea Matronæ generosas arce Ducissas  
Vltima postremæ clauferunt membra sequentes:  
Pompa quaterdeno conclusa satellite vtring est,  
Corporis hi Regis custodie vbiq; putati  
Vulgus iners validis simul arce bipennibus arcent,  
Ianthinus alterna vice & illis albus amictus  
Distinctim decorant artus, proceraq; membra;  
Sed color est Aulæ byssinus coccineusq;

Regina



1150  
Regina: Interea CHRISTUM qui pectore & ore 72  
Fert, Euangelicae doctrinae praeo disertus,  
CHRISTOPHORUS CHRISTI vere de nomine CNOFFUS  
Veste Damascena decoratus Rege ferente,  
Copulat hic fausto velut omine Pallada Pacj,  
Vota facit pariter sexus utriusq; corona  
Mente pia, Regi Reginae fausta precando:  
Talibus auspicijs Galathae iunctus lolas  
Descendit, laetis peragens conuiuia mensis.

Ominibus Regi quam se dant obuia faustis D.  
Omnia sint Regi precor haec Regnoq; saluti.

Quarta dies (lux haec Iulij vicenaq; prima) S.  
Protulit uxori Regis diadema recenti:

*Acta modo mihi quo rogo ne narrare graueris* D.  
*Pompa sit, at breuiter, tibi ne mora longa molesta.*

Ducitur in templi penetralia Regia Coniunx S.

(Teeta Damasceno roseo tunc atria templi  
Splendebant) sexus procures utriusq; decori

Circumstant: sedit Regis decoranda Corona  
Nympha chori medio, deaurato sola sedili:

Organicen resono feriens mox pegmate clauas  
Grata volubilibus digitis modulamina fundit:

Hinc monet officij regalis Episcopus ipsam:

Inde fuit structo Regina Argentea claustro

Abdita: profusis post ducitur Aurea tota

Crinibus, ut sponso socianda puella marito:



Occupat auratam, velut ante, decora cathedram:  
Musica mox iuuenum superans pius instrumenta  
Omnia dulcisonis, concentus, vocibus aures  
Occupat attentas, præmolli carmine mulcens.  
Illa dehinc surgens templi prope constitit aram,  
Rursus & officium regalis muneris audit:  
Esse Deo gratus populusq; iubetur ob isthanc  
Reginam, Dominam Danorum, vota precesq;  
Pro cuius, velutj pro Regis, vbiq; salute  
Daniacj Regnj fundat cum plebe SEnatus:  
Scabello aurato hinc genua in subsidere iussæ,  
Totius vnanimes Regni sub nomine Danj,  
Gemmatis Proceres redimiti tempora fertis  
Reginæ rutilam gemmis, auroq; coronam  
Imponunt capiti, CHristi mediante ministro:  
Applaudunt omnes, plausum testante sonoræ  
Voce tubæ, templi resonantibus vndiq; tignis:  
D. Ominibus Nymphæ quàm se dat Gloria letis  
Obuia, sit Regi precor hæc Nymphæq; salutj.  
S. Excipitur posthæc aurato regia cælo  
Nympha, petit sub quo solido de Daphni metallo  
Argenti, nitidam deaurato margine rhædam,  
Quadrijuges niuei quam tunc traxere caballi,  
Bucephali, et Gryphes, quam Nymphæ, & Regia pi  
Schemata condecorant varij fortesq; Leones. (æt  
In primis placuit signum mihi tale venustum  
Talibus



Talibus insculptum pilento Daphni figuris:  
Mite coronato tenet S. F. flexile nexu:  
Diua dat amplexus ubi nam Sapiencia Pacj,  
Sunt parij Pax et Sapiencia amore Secundæ, et  
Aurea nos tuto gestant Epiredia ductu:



Ominibus Nymphæ quam se Fortuna beatis  
Obtulit, hæc Regem & Nympham comitetur ubiq̃.

Taliter è templo Regina ornata corona  
 Redditur Hafniaca Regi vxor in arce moranti:  
 Fercula certatim fuerant hinc vndiq; mensis  
 Imposita, auratis implentur vina phalernis.  
 Inde sed amotis epulis, precibusq; peractis,  
 Plaudere plausibiles iterant caua tympana pulsus,  
 Stridula festiuos geminandoq; fistula flatus,  
 Et tuba grandisonos clanculus repetita crepando  
 Dant citæ amabilibus Nymphis optata choreæ  
 Signa, venit saliens agili sociatus amicæ  
 Plurimus hinc iuuenis pendet cui pectore torquis,  
 Regi & Reginae gratantes gestibus aptis  
 Latantur patriæ duo talia lumina terræ,  
 (REgem & REginam) regnis his cœlitus orta,  
 Autori grates reddentes pectore CHRISTO:  
 In quorum thalamis BENedictio fœta virenti  
 Germine, multiplici loue missa propagine diues  
 Diua, velut vitis floret pendentibus vuis,  
 Inde DEj dono, Nymphæ, pia pignora, binæ



Omine felici nunc in patris atria florent:  
Nuper adhæc, retuli veluti tibi Daphni, beato  
Sidere, de Christi, vel Aui de nomine, dictus  
Regulus incolumi (superis laus) Principe matre  
Pacifer ingenti Regis Regniq̃ futura  
Leticie plausu scitissimus ortus Iolæ.

*De natiuitate  
principis D. Christiani  
filii & regis  
D. Augusti*  
D. Ominibus Regi quam se dant pignora lætis  
Inclita, sint Regi precor hæc Regnoq̃ saluti.  
Vnde sed hæc tenero nosti ventura puello  
Tantaq̃ deserti patrij solatia ruris?

S. Est tener augustis nam Daphni parentb<sup>3</sup> ortus  
Regulus à CHristi vel auito nomine fausto  
Omine, Baptismi sub mystica munera dictus:  
Natus enim Pacis patre, natus qui quoq̃ matre  
Principe cui sanctum tribuit Sapiencia nomen  
CHristianus: Christi, Pacis, Sapiencie, alumnus  
Sic erit, extiterant thalami ceu prospera cuncta  
Signa, velut multis memini me dicere verbis,  
Fausta patri, matri, soboli, regnoq̃ futura,  
Huic sed præcipuè de quo modo Daphni locuti,  
Regno qui quondam (pia sed post fata parentis)  
Talis erit Dano, pater est modo gloria qualis.  
Hunc etenim natum Charitum tria numina lotum  
In patris augusti, vel aui vestigia sancti  
Impositum, gratum populo, Ducibusq̃, Deoq̃  
Tempore venturo Regali sede locabunt;

Singula



1150  
Singula læticiam captabunt vnde regenda  
Illius auspicio Borealia regna beato:  
Nam velut extinctum lugebant omnia Regem  
Huius auum, nato sic hoc nunc cuncta Nepote  
In primis pater, & genitrix, porceresq, patresq,  
Decrepitiq, senesq, viri, iuuenesq, puelli  
Gaudebunt velut à luctu solatia nacti.

Gloria, laus, & honor, trino Dominoq, sit vno D.  
Qui facit alternis vicibus post tristia letum  
Nubila sub cælo nobis lucescere Phœbum.

Vidim<sup>9</sup> (ô lachrimans recito tibi Daphni) peremti S.  
Morte pia, potius somno quasi consopiti  
Elatum Regis COLdinga funus ab arce  
Semianimes laceris Diuas gestasse capillis  
Vrbis ad Otthonis de nomine mœnia primi  
Cæsaris, vt SAXj dicti cognomine Magni:

Quam memoras urbem non est à Cæsare Sylui D.  
Dicta, nec à Magno, neq, primo ab Othone vocata,  
Ethnici at Otthonis Regis de nomine Danj,  
Qui decimus regni Rex est & in ordine nonus.  
Mercurij lux est Danis Otthonia cuius  
Nomine, ceu vrbi de se dat nomina, quod sit  
Fluminis hinc ripæ sub aprico colle sepultus,  
Dicitur hinc Danis vrbs hæc quasi collis Othonis.

Daphni parum refert seu Cæsare, siue vocata S.  
Rege sit, hæc præstans vrbs est dignissima laude.

Perpes



Perpetua, vel ob hoc æterno nomine digna  
 Tanti in ea quòd sint tumulati funere reges  
 Daniaci: veluti cuius tibi mentio facta:  
 Ethnicus hic fuerit licet Ottho: deinde Canutus  
 Cui tribuunt Sancti, Pietatis nomine, nomen:  
 Tertius Ericus mansueto mitior agno,  
 Forsitan & plures alij: præstantior hisce  
 Omnibus at sanctus (cepi pertexere cuius  
 Exequias) rex est Christi qui nomine Ternus:  
 Vidimus elatum fuit vt lachrimabile funus  
 (Inquo) vel multis forsàn vidisse negatum,  
 Christiadis pariter Virtutes ferre pheretrum  
 (Ceu patris exuias gestant simulacra, Sleana  
 In ripa, lachrimis Virtutum tempora obortis.)  
 Ante suas ibat Pietas lachrimosa sorores:  
 Quam fuerant veluti comitata pedissequa turba  
 Pax, Probitas, Bonitas, Grauitas, Sapientia, Vir-  
 Iustitia exilio reuocata, Modestia mœsta, (tus,  
 Atq; fides constans, durum & Patientia frangens,  
 Quæq; modum seruat prius vt metitur & ausa:  
 Tristeq; pars harum pheretrum subiere dolentes,  
 Pars capulum informes pars vtrâq; rupta capillos,  
 Tristia luctificis tundendo pectora palmis  
 Lugebant, flebant, plorabant, collachimabant:  
 Quin Heliconiadû tria ter, Charitum et tria diuûm  
 Numina, deflexis luctu cernicibus ægro,

In ter.



In terram & fixis oculis atq; oribus vdis,  
 Musagetis mæsto plangebant pectore fatum.  
 Has sed vt est proles flentes flens regia diuas  
 Intuita, in luctu positas solatur Iolas:  
 Pacificè lachrimas mandans suspendere cuius  
 Promittit solita fruituras sede locoq;  
 Et fore Virtutes in honore vt & ante fuere,  
 Seq; vicem patriam Musis præstare perennem  
 Dante Deo, dignam pio amore & honore nouenis,  
 Hasq; suo in precio fuerint ceu, sicq; futuras  
 Perpetuo, rerum modò se potiunte, vel ipsis  
 Illius natis, & qui nascentur ab illis:  
 Rege pio quod sic velut amifere dolentes,  
 Repperiunt Rege hoc nostro, Regisq; Renato  
 Ominibus Nato quàm se dant obuia Regis  
 Omnia lætificis, nobis sint ista saluti.  
 Euge, pio hoc redeunt nostro aurea secula Rege,  
 Virtutes, Charites, redeunt, Heliconiadesq;  
 Quæ modo mandabant terræ sua semina flentes,  
 Gaudentes remetunt contra nunc corde maniplos.  
 Vera refers: volo sed paulo his mage Daphni mo-  
 Pastor succensus Regis pastorei amore: (rari  
 Viuere ceu thuris lacrimis & odoribus æuum  
 Assyrium perhibent simulac finire volucrem:  
 Sic annos vixit precibus ter quinq; piorum  
 Hl Schia ceu, metam vitæ quasi limitis vltra:

D.

S.

D

Et pi



Et pius ut lachrimis moriens tumulatus acerbis:  
Est lachrimis quoque sic factus rediuius in isthoc  
Quem ferimus merita caelos ad laude Nepote:  
Nam patrio ut perhibent paruum Phœnica renasci  
Corpore, qui vitam debet vel viuere auitam:  
Sic erit hic Phœnix Regum, Phœniceque natus:  
Sicut enim vitam clausit pietate supremam  
Rex Auus Angelica COLdingæ voce vocatus,  
Sic Frederixburgo castro Pacisque Parentis  
Natus, in Hafniaca viuit nepos arce renatus:  
Et velut illius fuerant mœsta omnia morte  
Sic huius modò sunt rursus læta omnia vita.

D. Ominibus Regis quam se felicia letis  
Omnia dant Nato, Nato sint ista saluti.

S. Est locus in celsa sacer & venerabilis arce  
Hafniaca, multo distinctus Daphni sedili,  
In medio fixum retinet sublime columna  
Suggestum (puto quod dictum quia suggerit ipsi  
Dicturo Verbi Præconi mystica sensa:  
Et populo auditi verbi penetrantis ad ima  
Pectoris Adflatus genuinum numine sensum)  
Haud procul exedra dicta, templi nec ab ara  
Fons latet æternæ dictus de munere vitæ:  
Cuius aquis fusi, sancti & Spiraminis aura  
Hæredes Christi efficimur verboque fideque:  
Huc tenerum tandem gestantes Regis lolæ

Filio



1150  
Filiolum, summo Proceres è stemmate multi .77  
Cum precibus CHRisto, qui vult sibi talia soli  
Pignora deferri, latum sed sanguine lotum  
Illius effuso, quem Fontis mystica virtus  
Designat, sistunt: capit hunc venerandus in vlnis  
Præco DEI, recitans diuini oracula Verbi,  
Atq; vocans trinum discreto nomine Numen,  
Vt Patris, & Nati, & Sancti Spiraminis: vndis  
Immergit totidem vicibus, pro more vetusto  
Daniaco: aut semel intingens in nomine Iesu,  
Est quod idem, præsens in quo diuina habitando  
Maiestas plenæ Deitatis numine fulget:  
Perfundens vel ter fontanæ flumina lymphæ  
Aspergit nudo, ceu TEuthonis ora suevit:  
Quolibet hoc patefit Deitatis mystica trino  
Vnica diuinæ naturæ Essentia sensu.  
Cumq; renascatur memoranda regius Infans  
Luce, DEO trino, qua sancta Ecclesia, & vni  
Sacra facit, celebrans distincto nomine Numen  
Auspicio parili tingatur, & omine eodem:  
Flumen at vt nudis infunditur ordine membris  
Hoc sanctum donis opulenter ab æthere fusum  
Flamen obumbratur penetrans præcordia parui  
Infantis, mundans arcano pectora motu:  
Hinc nudus niueo quasi iam velatur amictu  
Ne( veluti quondam nudatus membra decore

Dz

Erubuit



Erubuit Domini præsentis numen Adamus )  
Perpetuò pudeat nudatum debita inesse  
Iusticia, cuius, duce CHristo, amicitur amictu.  
Vivat at vt rursus decoratus reddito honore:  
Nec pereat nudo pudefactus membra pudore  
Æterno: amissæ rursus redeuntis amica  
Sed queat induuias indutus gratiæ IESU  
Innocuus facie coram consistere CHristi:  
Vnde Deus sibi sic ablutum crimine ab omni  
Adserit ( adseruit lotum ceu Iordanis vndis  
Voce DEUS, natum Mariæ, pater: idq. sub ipso  
Cardine diducti cæli testante sonora:  
Et niuæ sancto specie præsente Columbæ  
Flamine )adoptatum sacro modò fonte renatum.  
Ipsa fides teneri latitans pectusculi in imo  
Haurit promissam Flamma mediante sacrati  
Flaminis amissam genuina sorde salutem.  
Hinc modò perpetuum pactum stabilitur vtrinq;  
Inter & ablutum genuina labe puellum,  
Atq. DEUM, CHristi placatum sanguine sacro  
Flumine, qui pueri signatur corpore fuso;  
Testibus adiunctis sexus vtriusq;, vocatis:  
Compita testantur communia gaudia passim:  
Fercula ponuntur, miscentur dona Lyæj:  
Gratantur Regi puerum patremq; puello:  
Mittuntur puero & Matri regalia dona,  
Omnia



Omnia qui cælos regit hæc accepta ferendo  
Commoda, Daniaco quæ contulit ardua Regno.

Vnde rei tantæ tibi tanta scientia Sylui D.  
Rustico, & è caulis pecudes modò ducere docto?

Hoc tibi an est adeo, mihi dic, mirabile Daphni? S.  
Sæpe etiam est holitor valde opportuna locutus.

Euobe Daniaco Regno modò gratulor amplo D.  
FRIdrici & SOPhiæ Natum, Christiꝑ renatum:  
Grator & exangui pecudi modò pingua prata:  
Viuat Io rex viuat Io rex viuat Iolas:

Viuat ab excelsis benedieta Puerpera prole:  
Viuat in æternum Natusꝑ renatus lolæ.

DANIaci Regni nitidos, humus humida, flores  
Sterne, rosas, violas, colocasia, lilia: Lætæ  
Floribus omnigenis cunas decorate Camæna:

Spargite humū blandæ Charites redolentibus herbis:  
Ferte solo Cythisum, fragrantibus atria sertis  
Virtutes simulac thalamos ornate decoræ

REGulus in quibus hic teneræ vestigia plantæ  
Fixerit, auctori CHristo, Regiꝑ parenti:

Candida purpureo de CHristi ECCLESia facta  
Sanguine, frondoso tu nunc caput exere ferto,  
Cinge tuam frontem Roris cita flore marini,  
Sparge Thymū, caltham, libanotin, amaracon, irin,  
Errantes hederas, viridi cum gramine mentam,  
Crescentem & digitis Amaranthum sæpe resectum,

D 3

Et sem.



Et semper viridis per brumam ætatis Achantum:  
 Conueniunt herbæ hæ tibi (palme vt germina) nam tu  
 Quo magis deprimeris caput hoc magis exeris altè,  
 Regulus arridens tibi Christi numine natus  
 Secula promittit vultu Saturnia miti.  
 BVCEphale arctoo modò non trux porge LEoni  
 Annulum ab Indiacò viridantis germine gemmæ.  
 Ob modò donatum viuacis pignus amoris  
 Connubij vestri durabile fœdus amici.  
 Cæruleis LEO trine iubis modò iubila plausu  
 Ede, tuæ GRÿphi felix sociate maritæ:  
 Plaude bipennifero Regnum Boreale LEOne:  
 Atq; sali roscis folijs LEO letenouenis:  
 Aliger hesperij custos DRACO peruigil horti  
 Poma negans, vetitum vetita nec ab arbore malum  
 Decerpens, alas plausu nunc pande gemellas:  
 Vosq; poli arctoi sub sidere cæteræ in orbe  
 Insulæ, ab vndoso boreali marmore cinctæ,  
 ORCades, & FERoës, GLACialis & insula lata:  
 TERra Virens viridi de germine, florida fronde:  
 Tuq; Heneta, aut mauis HETelandia voce Getharū:  
 Et niuei diues pecoris GOTHolandia pulchra:  
 Cætera DANiacæ subiectaq; Regna Coronæ  
 (Continet vt cuius distantia Teuthona quinta  
 Millia, quīs addas dictis quater ordine dena)  
 Mitia lætisona felicia tempora voce

Ferte



Ferte DEO accepta, & modò nato plaudite Regi.  
RVTA venenosi medicamen morsibus, ictus  
Pestilis Ausonys quos Vipera fecit in aruis  
Flore Smaragdini nunc flore, Baltica florent  
Regna, tuæ folijs viridantibus aucta corollæ.  
Cærulei iunctim gemini gaudete LEONES:  
Plaude tibi VRTICÆ Foliū candente figura:  
VRTICÆ folijs vescens cane candide CYGNE:  
Ensifer exulta Cataphracte EQVES impiger armis:  
Candida diuino CRUX pondera germine gestans:  
Discolor alterna TRABIS & vice forma quaternæ,  
Palmiferæ flore nunc arboris instar vterq;  
Singuli in occursum Regis properate decenter  
Paciferum vobis Natum Christoq; renatum.  
Expansis manibus, deuoto pectore, flexo  
Poplite, suscipite hunc donatum numine Regem.  
Vita sit vt cuius defensa precamini ab hoste:  
Tutus & Angelico semper munimine viuat.  
Nunc lachrimas mitto, nunc finem impono dolori,  
Nunc ego non Daphnis possum mihi displicuisse,  
Commoda cum patriæ referas mihi talia Sylui  
Pace data, niuæ iunctam modò Pallada Paci:  
CHRISTIadem Regno patrio, hisce parentibus ortum.  
O felix Puerο tali pater inclyte Iola:  
O felix Puer & tali patre paruule Pacis:  
Ter felix mater Sapientia pondere tali:

Matre



21  
Matre puer felix ter & amplius orte Minerua:  
Pax pater, & Pallas mater, quid gignere possent  
Christiadem nisi de Christi sibi numine natum?  
Salve Infans, Genitor letare, Puerpera gaude.  
Quale euangelion propter tam nuncia leta  
Dic tibi mi Sylui, nostra pro sorte, rependam?  
Hanc ego melliti plenam, ne sperne, saporis  
Do, gratæ mentis signum, tibi lacte lagenam.

S. Lechitus hic tibi sit tuus, & lac inane bibas tu  
Daphni, puerperium nostri peto Regis Iolæ  
Lætus in hanc mediam bibiturus nectara noctem:  
Illius hoc fretus quo me dignatur amore,  
Vtpote qui nostram, quamuis sit rustica, Musam  
Diligit, ut cui sunt pastoria carmina curæ,  
Carminè vinaci cuius quoq; viuida virtus  
Digna, velut dignus rex dici Iolaus Iolas.

D. Ecce tibi fuero comes, & tam comis Iolæ  
Hospes ero, quamuis hominum me nemo vocarit.

FINIS.



2150.

erua :  
ere possent  
ne natum?  
z gaude.  
ta  
ndam?  
aporis  
agenam.  
nane bibas tu  
gis Iole  
fara noctem:  
re,  
ca, Musam  
cure,  
virtus  
Iolas.  
nis Iole  
no vocavit.